

5 января, предпразд. Рождества Христова, Мучеников, иже в Крите

5 января, предпразд. Рождества Христова.

Мучеников, иже в Крите

Утренняя

«Бог Господь»

Тропарь предпразднства Рождества Христова, глас 4

Готóвися, Вифле́еме,/ отвѣрзися всем, Еде́ме,/ красуйся, Евфра́фо,/ я́ко дре́во живота́ в верте́пе процветѣ от Дѣвы:/ рай бо О́ноя чре́во яви́ся мы́сленный,/ в нёмже Божѣственный сад,/ от него́же я́дше, жи́ви бу́дем,/ не, я́коже Ада́м, у́мрем.// Христóс ражда́ется прѣ́жде па́дший возста́вити о́браз. *(Дважды)*

Сла́ва Отцу́, и Сы́ну, и Свято́му Ду́ху,

Тропарь мучеников, иже в Крите, глас 4

Му́ченицы Твои́, Го́споди,/ во страда́ниих свои́х венцы́ при́ша нетле́нныя от Тебе́, Бо́га на́шего,/ и́муще бо крѣ́пость Твою́, мучи́телей низложи́ша,/ сокруши́ша и де́монов немощны́я дерзости./ Тех моли́твами// спаси́ ду́ши на́ша.

И ны́не, и прі́сно, и во ве́ки веко́в. Ами́нь.

Тропарь предпразднства Рождества Христова, глас 4

Готóвися, Вифле́еме,/ отвѣрзися всем, Еде́ме,/ красуйся, Евфра́фо,/ я́ко дре́во живота́ в верте́пе процветѣ от Дѣвы:/ рай бо О́ноя чре́во яви́ся мы́сленный,/ в нёмже Божѣственный сад,/ от него́же я́дше, жи́ви бу́дем,/ не, я́коже Ада́м, у́мрем.// Христóс ражда́ется прѣ́жде па́дший возста́вити о́браз.

Канон

Песнь 1

5 января, предпразд. Рождества Христова, Мучеников, иже в Крите

Канон предпразднства Рождества Христова. Глас 6. На 4.

Ирмос, глас 6: Волною морскою/ Скрывшаго древле гонителя, мучителя,/ в яслех Сокрываемаго убить ищет Ирод;/ но мы с волхвы поим:/ Господеви воспойм,// славно бо прославися.

Песнь 3

Канон предпразднства Рождества Христова. Глас 6. На 4.

Ирмос, глас 6: Тебе, на водах/ повесившаго всю землю недержимо,/ тварь, видевши в вертепе раждающуюся,/ ужасно содрогашеся:/ несть свят, паче Тебе,// Господи, зовущи.

Катавасия

Ирмос, глас 2: Утверди нас в Тебе, Господи,/ Древом умерщвлей грех,/ и страх Твой всади// в сердца нас, поющих Тя.

Песнь 4

Канон предпразднства Рождества Христова. Глас 6. На 4.

Ирмос, глас 6: От Девы пришествие Твое провидя, Аввакум,/ ужасся, вопияше:/ Ты от юга, воплощаяся, пришел еси, Избавителю,// Адама отриновеннаго воззвати.

Песнь 5

Канон предпразднства Рождества Христова. Глас 6. На 4.

Ирмос, глас 6: К Тебе утреннюю,/ благоутробия ради Себе истощившему непреложно/ и зрак раба от Девы носившему,/ Слово Божий./ Мир подаждь ми, падшему,// Человеколюбче.

Песнь 6

Канон предпразднства Рождества Христова. Глас 6. На 4.

5 января, предпразд. Рождества Христова, Мучеников, иже в Крите

Ирмос, глас 6: Бѣдна послѣдняя грехѡв обѣде мя/ и, волнѣния не ктому́ терпя́,/ я́ко Иѡна Владѣще вопи́ю Ти:// от тли мя возведи́.

Катавасия

Ирмос, глас 2: В бѣдне грехѡвней валя́яся,/ неизслѣдную милосѣрдия Твоегѡ призыва́ю бѣдну:// от тли, Бѡже, мя возведи́.

Песнь 7

Канѡн предпразднства Рождествá Христова. Глас 6. На 4.

Ирмос, глас 6: О́троцы в Вавилѡне/ пѣщнаго пла́мене не убоя́шася,/ но, посреде́ пла́мене ввѣржени, ороша́еми, пояху:/ благословѣн еси́, Гѡсподи, Бѡже отѣц на́ших.

Песнь 8

Канѡн предпразднства Рождествá Христова. Глас 6. На 4.

Ирмос, глас 6: За закѡны отѣческия/ блажѣннии в Вавилѡне ю́ноши предбѣдствующе,/ царю́ющаго оплевáша повелѣние безумное/ и, совоку́плены, имже не свари́шася огнѣм,/ Держáвствующему достойную воспева́ху песнь:/ Гѡспода пойте, дела́,// и превозносите во вся вѣки.

Катавасия

Ирмос, глас 2: В пещь ѡгненную ко отроко́м еврейским снизше́дшаго/ и пла́мень в рѡсу прелѡжшаго Бѡга/ пойте, дела́, я́ко Гѡспода// и превозносите во вся вѣки.

Песнь 9

Канѡн предпразднства Рождествá Христова. Глас 6. На 4.

Ирмос, глас 6: Не диви́ся ны́не, о Мáти,/ видя́щи я́ко Младѣнца,/ Егѡже из чрѣва прѣжде денни́цы роди́ Отец,/ возста́вити бо и со-

5 января, предпразд. Рождества Христова, Мучеников, иже в Крите

просла́вити/ челове́ческое па́дшее естество́ приидо́х я́вственно, //
ве́рою и любóвию Тя велича́ющее.

Катавасия

Ирмос, глас 2: От Бо́га Бо́га Сло́ва, / неизрече́нною му́дростию при-
ше́дшаго обнов́ити Ада́ма, / я́дию в тлѣние па́дшаго лю́те, / от Свя-
та́я Де́вы неизрече́нно воплотѣвшагося нас ра́ди, // ве́рнии, едино-
му́дренно пе́сньми велича́ем.

Хвалитны

Предпразднство Рождества Христова на 4, глас 6

На 4: Хвалите Егó на силах Его, /

хвалите Егó по мно́жеству вели́чества Егó.

Предопределѣнное Отцѣм прѣжде век / и предпроповѣданное
проро́ки в послѣдняя, / та́инство явѣся, / и Бог вочелове́чися, /
плоть приѣм от Де́вы, / зи́ждется несозда́нный во́лею, / Сый быва́ет
Царь Изра́илев, // Христóс прихóдит.

Хвалите Егó во гла́се тру́бнем, /

хвалите Егó во псалти́ри и гу́слех.

Пою́ Тя, Царю́, пелена́ми повѣтаго, / реши́ши бо пленѣцы моѣх
грехопаде́ний / и сла́вою безсме́ртною / и нетлѣнною почтѣв мя, /
всегó Отцú присво́ил еси́, / соде́тельствую и воззида́я. / Тем вопио́
Ти: / Царь Изра́илев, // Христóс прихóдит.

На 2: Хвалите Егó в тимпа́не и ли́це, /

хвалите Егó во стру́нах и орга́не.

Свет, от Свѣта произше́дший / и от Де́вы возсия́вший / сущим на
земли́ звездо́ю, ви́девше, звездосло́вцы волсви́ / перси́дскую

5 января, предпразд. Рождества Христова, Мучеников, иже в Крите

отлага́ху тьму/ и звёздную всю прелесть/ и в радости рождшемуся
Бо́гу пояху:/ благословён прише́дый Бог наш,// сла́ва Тебе́.

Хвалите Его́ в кимвáleх доброгласных, хвалите Его́ в кимвáleх восклицания. /
Всякое дыха́ние да хва́лит Го́спода.

Злак младе́нческий неисто́вне пожина́ет,/ от му́дрых наруга́н быв
Ирод волхво́в,/ и ру́ку скверноубийственну на Тя воздвиза́ти
мня́ше,/ но прише́л еси́,/ египтяном тьму глубоча́йшую отгоня́,/ с
ни́миже поём:// благословён прише́дый Бог наш,/ сла́ва Тебе́.

Слава, глас 6.

Сла́ва Отцу́, и Сы́ну, и Свято́му Ду́ху,

Пой, но́вый Изра́илю, песнь но́ву;/ воспой пение Небе́сное оно́;/
весели́ся и красуй́ся радостию/ и ликуй́, принеси́ све́тло
пра́зднственная:/ Бог от ю́га плоти́ю яви́ся./ То́йже хо́щет/ во
Иорда́нских струя́х омы́тися,// я́ко Чело́век.

И ныне, глас 6.

и ны́не, и присно, и во ве́ки веко́в. Ами́нь.

Яви́лся еси́ на земли́/ и с чело́веки пожи́л еси́,/ ке́саря повеле́ньми
с рабы́ написáлся еси́;/ созда́лся еси́, не преложи́вся, неизме́нен
пребы́л еси́,/ весь Сый Бог, а́ще и воплоти́лся еси́./ Сла́ва Твоему́
смотре́нию,/ честь, хвала́, великоле́пие// и ны́не, и во ве́ки, ами́нь.
Ами́нь.

Стихиры на стиховне

Предпразднство Рождества Христова на 3

Канонарх: Глас 2, Благоуха́й, Сио́не,

Благоухай, Сионе,/ ясли святыя:/ в тебе бо Владыка прострети
имать// лучи Своего Божества.

Стих: Бог от юга придет /
и Святый из горы приосененныя чаши.

Веру вместо злата,/ любовь же, яко смиру,/ яко ливан, деяния//
принесем Зиждителю, грядущему во Своя.

Стих: Господи, услышах слух Твой и убояхся; /
Господи, разумех дела Твоя и ужасохся.

Приближается Христос, звезда предозаряет/ Небесное множество,//
воинства приницает умных сил.

Слава, глас 3.

Слава Отцу, и Сыну, и Святому Духу

Доблии мученицы истины,/ вас ни нужда мучительская, ни лас-
кание прелестное,/ ни удес отсечения, ниже смертная прещения/
от Божественныя любви разлучити возмогша./ Тем, дерзновение
имуще ко Христу, иже над всеми Богом,/ сие воздаяние болезнен-
ных страданий просите от Христа// прияти молитвами вашими и
велию милость.

И ныне, глас 8.

И ныне, и присно, и во веки веков. Аминь.

В Вифлееме раждается всех Творец,/ и Едем отверзает Превечный
Царь,/ пламенное оружие плещи дает,/ средостение градежа ра-
зорится;/ Небесныя силы с земными совокупляются,/ Ангели с че-
ловеки державное торжество составляют,/ чистии Чистому пение
приношают./ Видим Деву, яко престол славы Херувимский,/ вме-

5 января, предпразд. Рождества Христова, Мучеников, иже в Крите

стѣвшую никакоже вместимаго Бѳга/ и носящую, Егѳже Серафѳими со страхом прославляют,// яко да подаст мѳру вѣлиую мѳлость.

Тропари в конец Утрени

Тропарь мучеников, иже в Крите, глас 4.

Мѳченицы Твоѳ, Гѳсподи,/ во страданиях своих венцы прияша нетленныя от Тебѣ, Бѳга нашего,/ имуще бо крепость Твою, мучителей низложиша,/ сокрушиша и демонов немощныя дерзости./ Тех молитвами/ спаси души наша.

Слава Отцу, и Сыну, и Святому Духу, и ныне, и присно, и во веки веков. Аминь.

Готовися, Вифлеѳме,/ отверзися всем, Едемѣ,/ красуйся, Евфрафо,/ яко древо живота в вертепе процветѣ от Дѣвы:/ рай бо Оная чрево явися мысленный,/ в немже Божественный сад,/ от негоже ядше, живи будем,/ не, якоже Адам, умрем./ Христѳс раждается прежде падший возставити образ.

1-й час

Тропарь предпразднства Рождества Христова, глас 4

Готовися, Вифлеѳме,/ отверзися всем, Едемѣ,/ красуйся, Евфрафо,/ яко древо живота в вертепе процветѣ от Дѣвы:/ рай бо Оная чрево явися мысленный,/ в немже Божественный сад,/ от негоже ядше, живи будем,/ не, якоже Адам, умрем./ Христѳс раждается прежде падший возставити образ.

Слава Отцу, и Сыну, и Святому Духу.

Тропарь мучеников, иже в Крите, глас 4

Мѳченицы Твоѳ, Гѳсподи,/ во страданиях своих венцы прияша нетленныя от Тебѣ, Бѳга нашего,/ имуще бо крепость Твою, мучителей низложиша,/ сокрушиша и демонов немощныя дерзости./ Тех молитвами/ спаси души наша.

Кондак

5 января, предпразд. Рождества Христова, Мучеников, иже в Крите

Конда́к предпра́зднства Рождества́ Христо́ва, глас 3

Де́ва днесъ Превѣчное Сло́во/ в верте́пе грядѣт родіти неизрече́нно:/ ликуй, все-
ле́нная, услы́шавши,/ просла́ви со А́нгелы и па́стырьми/ хотя́щаго явѣтися Отро-
ча́ Младо, Превѣчнаго Бо́га.